

MME AKAM EMI ABASI QBORODE

James 5:10-20

QYQHỌ UKPEP-ÑKPỌ 360

Eke Mkparawa

IKỌ IBUOT: “O ukpọn mi, kọm Jehovah, kunyūn ufre kpukpru nti enọ esie: emi efende kpukpru mme ukwañ-ñkpọ fo, onyūn ọkọkde kpukpru mme udọnọ fo” (Psalm 103:2, 3).

Nti Uwut-Ñkpọ

James andiwet Ñwed emi, ama ọfiọk abaña mme uwem mme anditiñ ntiñ-nnim ikọ Abasi emi ekedude ke ata ediwak isua emi ekebede. Mmọ ekedi uwut-ñkpọ enọ James ye nnyin ñko, ke ime, akam, ye mbuotidem. Ndusuk nte James okokopde abaña ukut Job ye ndutuhọ Jeremiah emi eketopde enye esin ke obube, enye ọkọfiọk esisit ete ke ndutuhọ ke ebet imọ ke iso ñko. Eda emi esọnọ nditọ Abasi idem ke ini mmọ ekutde uko mbon efen. Kpukpru emi akañwam James ndibeñe idem mbaña ndutuhọ mkpa emi okosimde enye, ke ntak ikọ Abasi emi mbuk etiñde ọnọ nnyin, ndutuhọ emi enye ọkọbọde ke ndo-ndo oro enye ama ekewet Ñwed emi.

Ndutuhọ Ke Ntak Christ

Anyanya uwem ke ebet mme ndisana owo ke akani ye Obufa Ediomu emi ekeyakde uwem mmọ enọ Qbọñ. Idem mfin emi ke ekokot nditọ Abasi ke ndusuk ini ndiduọk uwem mmọ ke abaña Christ. Ke akpanikọ, Jesus ọdọhọ ete: “Koro owo ekededi eke ediyomde ndinyaña uwem esie, eyeduok enye, edi owo ekededi eke ediduokde uwem esie kabaña Mi eyeda uwem esie enyene” (Matthew 16:25). Emi ọwọrọ nso? Emi ọwọrọ ete mme mmọ emi etienede Jesus ye ndutuhọ ke abaña Enye ye ediduok uwem ke abaña Enye, eyenyene nsinsi uwem ke uwem emi ebede. Ndusuk ini Jesus okot owo ndikpọn iduñ esie nnyūn ndi ọkwoř-ikọ emi akade ebiet efen. Mme mkparawa iren ye iban ekeme ndiyak uwem mmọ, edieke Jesus ebighide ndidi ndien Spirit etiñ ke esit mmọ ke ini mmọ ema ekekpon ewọrọ owo ndika, mmọ ekeme ndika ke esen idut nditiñ usuñ erinyaña nnọ mme owo. Nnyin iyekpep ke ọyọhọ ukpep-ñkpọ 365 ibaña ikot emi otode mme nsio-nsio itie ke ererimbot eyom mme ọkwoř-ikọ Abasi.

Utom Mbuotidem

Ke ediwak isua emi ebede, Abasi ama okot akparawa eren ke Portland ndinam utom Esie. Kpukpru ini enye okoyoyom ifet nte akpanamde ñkpri utom ke ufọk Abasi. Enye ama okut nte mme ekpeme ufọk Abasi enọde ñwed ikwọ nte mme owo edukde ufọk Abasi. Enye ekekere nte akpañwamde mme ekpeme ufọk ke ndibon mme ñwed emi, nnyūn nnam ekpri utom oro. Enye ama akabare edi asaña-utom ye andiñwam etubom ufọk Abasi. Nte enye okponde ọwọrọ owo enye ekedi kiet ke otu mme ebre ñkpọ ikwọ, ndien ke ukperedem akabarede edi anam utom ke iñwañ Qbọñ ye ọkwoř-ikọ, onyūn edi enye emi esiode edọn aka Africa, emi asañade akanare ererimbot. Enye ama okut ediwak ukut, edi okop inemesit ke utom Ete ufọk esie. “Nnyin idọhọ ite, ọfọfọn ye mmọ emi ema ebiom ukut.” Ke ini enye ama eketiñ mbuk Jesus ọnọ ediwak owo, ediwak ukpọn emi eduñde ke ekim, Qbọñ, emi anamde kpukpru ñkpọ ọfọn, okot enye ndika Heaven ndidu ye Jesus, ndidara ñkanare Ebekpo ye nditọ Abasi emi ekebemde iso edu do. Mfin enye ke ọbọ inemesit ke utip edinam akpanikọ, enye odu ye Jesus ke nsinsi ye mmọ emi ekedemerere enye ndika iso oto ke ñwed mmọ. Enye odu ye James emi ekewetde ete, “Mkpe-ubọk edinen owo enyene odudu eti-eti ndinam ñkpọ” (James 5:16). Ntak emi enye okosimde utit isañ esie edi oro: Enye akama ndikot ñwed nnyūn mboñ akam eti-eti. Ke ini owo okotde Ñwed Abasi, Abasi ke etiñ ikọ ọnọ enye oto ke Edisana Ikọ Esie; ndien ke ini owo ọbọñde akam, enye ke etiñ ikọ ọnọ Abasi.

Akam Elijah

James ọnọ Elias, me Elijah nte uwut-ñkpọ mmọ emi ebọrọde akam mmọ. Enye ekedi ñkaña owo emi okopde ubiak onyūn enyenede udọn nte uwem edide, edi enye ama ọbọñ akam! Abasi ama okop akam nsuk-esit owo emi onyūn etre edim ke isua ita ye ubak. Akamba akañ ama odu ke Israel nte ufen ke ntak idiok-ñkpọ mbio-obio. Ke enyọñ Obot Carmel ke Elijah ọkọtọñ ntak ọbọñ akam man edim afiak edep. Ke utim-ika-tiaba ke Elijah ọkọbọñ akam mbemiso ibọrọ edi. Ekeme ndidi ke Abasi

okoyom ndidomo mbuotidem Elijah nse, mme Abasi okoyom ndikpep nnyin ndiyire ke akam tutu iboro edi. Elijah okobon akam utim-ika-tiaba, tutu oro iboro, ke didie ke edim ekedep!

Udono

Ini mmodo emi odude ke uwem owo kiet-kiet ke ini udono ofukde ikpohidem. Ufan ikoro duopeta ye duopenan ke ibuo ition emi James ewetde edi inwan-inwan emi ekpri eyen ekemedede ndifiok. "Nte owo odono ke otu mbufo? Yak enye obon akam." Oro edi utom owo Abasi; edi owo eke miboro erinya ada nkw ibok mme mmobon ibok ke itie esie. "Nte owo odu ke inemesit? yak enye okwo ikwo itoro." Oro edi nen-nen se owo Abasi anamde. Ke akpaniko, enye okwo ikwo okposuk enye miduhe ke inemesit, "nton enyon onyuan ofukde". Esit esie ke otoro Abasi, okposuk edi mme nkp abiarade.

"Nte owo odono ke otu mbufo? yak enye okot mbiowo ufok Abasi; mmobon enyuan enuhofuk enye ke enyan Obon: ndien akam mbuotidem eyenya enye emi odonode, Obon eyenyuan anam enye adaha-ada." Mbiowo eyeyet owo udono aran ke enyan Obon, ndien Obon eyenam enye adaha-ada. Aran oro inyeneke odudu ndikok udono, mbiowo oro mme okworok-ikoro emi eyetde owo udono aran inyeneke odudu ke idemesie mme ke ubok esie ndinam owo udono okop nsodidem. Edi mbuotidem emi edude owo udono ke esit, mbuotidem emi odude mme okworok-ikoro emi ebode akam, adiana ye mbuotidem ufok Abasi, anam owo udono okop nsodidem.

Mbom ndidoro ite, ndusuk owo, utu ke ndikot mbiowo ufok Abasi man enwam mmoro ke akam, ebire ndikot mbia-ibok man ese mmoro idem, emi enamde mmoro eka ufok ibok man esiak mmoro idem. Mme ufok Abasi eyo emi ikworoke, ikpepke, inyuan inimke ukok udono emi otode Abasi ke akpaniko, ke ntre mbon ufok Abasi mmoro ikotke mbiowo ufok Abasi man enwam mmoro ke akam, edi ebine abia ibok, ke itie mmoro. "Ntem ke Jehovah odoro, ete, Osuk ododiok oro owo eke edibuotde idem ye owo, onyuan onimde obukidem ke ubok esie" (Jeremiah 17:5).

"Ofon oro mbon eke Jehovah edide Abasi mmoro" (Psalm 144:15).

"Ofon oro owo eke Abasi Jacob edide andinwam enye" (Psalm 146:5).

"Owo eke obuotde idem esie ye Jehovah, ofon oro enye" (Mme Nke 16:20).

Oro didie owo ndibuot idem esie ye Obon nnyuan ndu ke inemesit akan owo ndidu ke idak isuan Jehovah! Ndisuk, ntak kiet emi ediwak owo emade ndidu uwem unana inemesit edi mmoro enim unwam idem mmoro ke ubok owo edi idighe ke ubok Abasi.

Nnyin ikot ite, "O Jehovah, afo edi ete nnyin; nnyin idi mbat-eso, ndien edi afo andibot nnyin, kpukpru inyuan idi se ubok fo akanamde" (Isaiah 64:8). "Mme nte obot-eso inyeneke unen ndisio ubak mbat?" (Nwed Mbon Rome 9:21). Anam didie osobon owo idem ndikere ete ke Enye emi okobotde ikpohidem ikemeke ndidion enye! Jesus enyene odudu ndikok adana owo eke etenede Enye mfin ke mbuotidem ye esit edinim ke akpaniko, ukem nte Enye akanamde ke ini okodude ke ereribot emi.

Mme Akam Emi Miboro

Ndisuk owo eyebup ete, "Nso idi ntak ndien emi ediwak mbon udono miboro erikok mfin?" Ekeme ndidi ntak unana mbuotidem, mme ntak efen. Abasi ama etin oro Ndit Israel ete, "Edieke afo editimde okop uyo Jehovah Abasi fo, enyuan enamde se inende enye ke enyan, onyuan akpande uton oro mbet esie, onyuan onimde kpukpru ewuhofuk esie, ndidaha baba udono kiet emi nkanamde Egypt, ntiene fi: koro edi ami Jehovah nnam udono okure fi" (Exodus 15:26). Do ke nnyin ikot mmem-mmem ntak ke abana udono: emi owo ndomo kiet mikemeke ndinam "nte enende." Edi David odoro ete: "O ukpobon mi, kom Jehovah, ... emi efende kpukpru mme ukwan-nkpoko fo, onyuan okokde kpukpru mme udono fo" (Psalm 103:1-3). Ke ntre, edieke owo akanamde idiok-nkpoko, eridahado nno ke idiok-nkpoko mmodo, ndien erikok odu ke ikpohidem oto ke akam mbuotidem. Ndisuk ini, idighe kpukpru udono oto ke ntak idiok-nkpoko emi owo anamde.

Ndiyarare idiok-nkpoko edi nkpoko efen emi Abasi oyomde, idighe ndiyarare nno oku, edi "kiet ye eken." Edieke esit ubiom-ikpe otimerede enye abana nkpoko kiet ekededi, edi akpan nkpoko enye ndibine enye emi enye okonode ubiak onyuan okut ndudue oro. Ebon akam ebaana kiet eken, ndien usop-usop unwam eyeda itie.

Okposon Akam

Nte afo edi anditiene-Christ emi oyomde nkpoko oto Abasi, oro edi edisana esit? Uduok-mmobon Edisana Spirit? Erikok udono ke ikpohidem? Nte odu nkpoko efen emi afo oyomde, oro edi ifet ndinam utom nno Obon? Ifet ndidemere nda-mmama eno fo nno Enye? Nte afo omoyom enyana ukpobon ufan,

mme owo ima fo? Afo ekeme ndinyene kpukpru emi edieke afo ọbọnde akam! ọbọnde akam! ọbọnde akam!

Edi afo ọdọhọ ete, akam mi ibọrọ iduhe. Nte afo ọmọbọn akam ọsọnọ ebighi? Nte akam fo asaña ye mbunọ-esit, enyene iwuk, enyene odudu? Nte akam fo ofiop? Mme ebebit? Abasi Elijah ke ọbọbọrọ akam emi udọn odude ye akpanikọ oto edinen eren-owo, nwan, eyen-ọwọn eren mme eyen-ọwọn añwan.

**“Kpa Eli-jah ‘kọ-bọn akam k’o-bot Car-mel,
Mme Hea-ven e-kop u-yo e-sie;
E-ke-di a-ta u-ti-be n-kpọ,
Ko-ro I-kañ o-to-de ke-nyọn.”**

“Yak Abasi Anam Ediwak Owo Ebọn Akam!”

MME MBUME

1. Siak enyiñ ition ke Akani Ediomi emi ekebọrọde akam mmọ.
2. Nso ke owo ekeme ndinam ke ini ukut?
3. Nso ke owo udọnọ ekeme ndinam?
4. Nso ibọrọ etiene akam mbuotidem?
5. Nam añwaña se “mkpe-ubọk” ye “edisọnọ nyire” ke akam ọwọrọde.
6. Nso akam Elijah ita ke Abasi ọkọbọrọ?
7. Nso idi ntak emi edide akpan nkpọ owo ndinim Abasi ke akpanikọ ke abaña erikọk udọnọ?
8. Nso ke Nwede Abasi etiñ abaña mmọ emi ebinede mbia-ibọk eyom erikọk?